

La predica (pardon : l'OMELIA!)

Per grazia di Dio gh'è ammò tanta gent
Che vegn in gesa compost e per ben
Preghen e canten con devozion
E risponden a tono a tut'i orazion.
Par che g'abien nanca poeu tanta pressa
Che finissa a svelta tuta la Messa.

L'è quand ch'el pret el taca a parlà
Che l'orelog comincen a sbircià ;
Gh'è chi se contenta de do parol in cros
Chi invece la tira longa e 'l valza sina la vos.

In 'sti casi savì quel che fo mi ?
Me meti comod e pensi : l'ha pur de finì !
Perché a 'sto mond gh'è propi nient che dura.
Per semper la sarà domà la vita futura !

*NB : Ogni riferimento a persone o casi reali
State tranquilli : son del tutto casuali !*

Don Arnaldo